



SAKSFRAMLEGG

Sakshandsamar: Meline Heimdal Haugland	Arkivkode: FE-242
Arkivsaksnr: 20/394	Løpenr: 20/6761
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	01.09.2020	017/2020

Vilt- og fiskefondet 2020

01.09.2020 Naturutvalet:

Handsaming i møtet:

Utvalet drøfta retningslinene, og oppmoda om at fleire lag og organisasjonar bør søkje om midlar frå vilt og fiske fondet.

Det vart røysta over framlegget som vart samrøytes vedteke.

NAT- 017/2020 Vedtak:

Jf. vedtak 014/2019 i naturutvalet 28.05.19 får Samnanger jeger- og fiskerlag kr 20 000 i årleg driftstilskot. Tilskot for 2020 er utbetalt.

Samnanger jeger- og fiskerlag får kr 22 500 i tilskot til aktivitetar i 2020. Laget vert oppmoda til å prioritera aktivitetar som gagnar ålmenta og særskild rettar seg mot barn, ungdom og eldre med alle typar funksjonsnivå. Tilskotet vert utbetalt snarleg.

Samnanger jeger- og fiskerlag får kr 20 000 i tilskot til meirkostnader med naust og kr 5 000 til rognplanting. Tilskotet vert utbetalt snarleg.

Rådmannen sitt framlegg til vedtak:

Jf. vedtak 014/2019 i naturutvalet 28.05.19 får Samnanger jeger- og fiskerlag kr 20 000 i årleg driftstilskot. Tilskot for 2020 er utbetalt.

Samnanger jeger- og fiskerlag får kr 22 500 i tilskot til aktivitetar i 2020. Laget vert oppmoda til å prioritera aktivitetar som gagnar ålmenta og særskild rettar seg mot barn, ungdom og eldre med alle typar funksjonsnivå. Tilskotet vert utbetalt snarleg.

Samnanger jeger- og fiskerlag får kr 20 000 i tilskot til meirkostnader med naust og kr 5 000 til rognplanting. Tilskotet vert utbetalt snarleg.

Dokument som er vedlagt:

Søknad 1. til vilt- og fiskefondet frå Samnanger jeger og fiskerlag

Søknad 2. til vilt- og fiskefondet frå Samnanger jeger og fiskerlag
Vedtekter for bruk av konsesjonsmidlar

Dokument som ikkje er vedlagt:

KS-vedtak 96/2019: Budsjett 2020 Samnanger kommune

Kva saka gjeld:

Samnanger kommune skal kvart år lyse ut høve for å søka om tilskot frå konsesjonsmidlar.
Søknadsfristen er vanlegvis 1. april, men grunna koronasituasjonen vart fristen utsett til 1. mai.

Fondet skal nyttast til tiltak som tek vare på eller betrar tilhøva for fisk, vilt og friluftsliv i Samnanger kommune. Privatpersonar, frivillige organisasjonar og offentlege instansar kan søka om tilskot.

På fondet står det kr 305 883 per 01.01.20. Grunnkapitalen i fondet skal alltid vera større enn kr 80 000. Det vert tatt sikte på å fordela inntil kr 100 000 i året. Dersom særleg gode søknader ligg inne kan det brukast større summar enn dette, så lenge det ikkje går utover grunnkapitalen.

Kommunen delar ut tre tilskot årleg frå fondet. Det er kr 20 000 i driftstilskot til Samnanger Jeger- og Fiskerlag, kr 5000 i leige av grunn til laksetrapp i Tysseelva (indeksregulert) og kr 15 000 til løypepreparering på Kvamskogen. Desse utgiftene skal dekkast først uavhengig av handsaming i saka.

Det er kome inn to søknader til vilt- og fiskefondet i 2020. Begge er frå Samnanger Jeger- og fiskerlag.

Vurderingar og konsekvensar:

Kulturmidlar og vilt- og fiskefondet er søknadsordningar kor tildeling eller størrelse på tildeling ikkje er gitt på førehand. Tildeling eitt år gjev ikkje presedens for seinare tildelingar.

Søknad 1

Samnanger jeger og fiskerlag (SJFL) søker om driftsmidler (kulturmidler) frå vilt og fiskefondet for 2019 og 2020. Det vert søkt om kr 15 000 for 2019 og kr 15 000 for 2020.

Vurdering søknad 1

Samnanger jeger og fiskerlag søkte om kr 15 000 i driftstilskot frå kulturmidlar i 2019 og fekk avslag på søknaden. Klaga på avslaget vart tatt opp som sak 029/2019 i formannskapet 03.20.20. Klaga fekk avslag, men Samnanger jeger og fiskerlag vart oppmoda til å søkja vilt- og fiskefondet om midlar til sine aktivitetar.

Søknaden til vilt- og fiskefondet 2020 seier ikkje noko meir om kva tilskotet skal brukast til enn at det skal gå til drift. Dette er i utgangspunktet for lite informasjon til å vurdere søknaden. Me har likevel valt å ta utgangspunkt i søknadsteksten om kulturmidlar 2019 denne gongen.

Samnanger jeger og fiskerlag har ca 200 medlemmar og fleire undergrupper. Samla sett kan laget tilby fleire ulike aktivitetar for ulike aldersgrupper og funksjonsnivå. Dei har fokus på aktivitetar for kvinner i eit lag som før var 100% mannsdominert. Laget har også forskjellige anlegg som trens tilsyn og vedlikehald, samt planlagte prosjekt.

Tiltaka som er vurdert stettar formålet med vilt- og fiskefondet.

Søknad 2

Fiskenemna i Samnanger jeger og fiskerlag søker om kr 20 000 i driftstilskot samt tilskot. Nemna ber også naturutvalet vurdere om å gje tilskot til nokre av dei andre utgiftene SJFL har hatt i samband med fiskekultivering i Samnanger 2019/2020 og/eller utgifter dei forventar å få i 2020.

Det vert vist til følgjande utgifter i 2019:	Det vert vist til følgjande utgifter for 2020:
Straumutgifter klekkeri kr 6 620	Tysseelva kr 10 000
Diverse utgifter Tysseelva kr 4 750	Klekkeri kr 10 000
Diverse utgifter fiskenemnda kr 3 150	Fiskekultivering Holmavatnet kr 10 000
Meirkostnader naust Holmane kr 27 450	
Rognplanting kr 4 694	

Vurdering søknad 2

Tiltaka stettar formålet med vilt- og fiskefondet og krava i *Vedtekter for bruk av konsesjonsmidlar*. Vedtatt årleg driftstilskot på kr 20 000 er utbetalt uavhengig av handsaming i denne saka. Kr 10 000 til drift av klekkeri vert trekt frå totalsummen då støtte til utgiftene er inkludert i årleg driftstilskot.

Sluttvurdering og konklusjon

Tiltaka stettar formålet med tilskotsordninga. I følgje årsmeldinga for 2019 har laget har ein sunn økonomi med pengar på bok og lite gjeld. Det kan difor vera grunn til å spørre om det er «behov» for ytterlegare tilskot til drift, særskild då laget får kr 20 000 i årleg driftstilskot. Framsyning av årsmelding og rekneskapsrapport ikkje er eit krav for å søka om tilskot frå vilt og fiskefondet, og saka er difor ikkje undersøkt nærare. Informasjonen er tatt til etterretning.

Inntill 75% av kostnaden avhengig av andre finansieringskjelder og mengda tilgjengelege midlar i høve til søknadsmassen. Heile eller delar av fondet kan haldast attende dersom det ikkje ligg føre godt kvalifiserte søknader. Rådmann tilrår at Samnanger jeger- og fiskerlag vert tildelt støtte til aktivitetar og meirkostnader med naust som er sett opp ved Holmavatnet og rognplanting.